



Шогун эл, норылык да гим бер!

ЯМДЕ ЛИЙ


1933 ий 1 февраль годсек лектеш.

0+

Морко район Коркатово лицейыште 7-ше классыште тунемше Артур Васильев (снимкыште) гай тале ечызе, спорт дене пенгыде кылым кучышо, шке вийыштым тергаш кумылан спортсмен-влак таче «Корта» ече базышке ятырын погыненыт. Тушто «Российын ечыгорныжо – 2019» всероссийский танасымаш 37-ше гана эрта. 2001 ийыште да варарак шочшо-влак 5 менгым, кугурак ийготан-влак 10 менгым куржыт. Тыгак VIP дистанций лиеш – 2019 метр. Ече спорт деке шуманше-влак кажне ийын ешаралтыт – моткоч куанле! Кӧ спортын юзо вийжым пала, тудо, мутат уке, уло илышыжым тудлан пӧлекла. Спорт – тиде илыш-кун, пенгыде тазалык, чытымаш да шуаралтмаш. Йоча-влак, изинек спорт дене кылым кучыза!

Х.АЛЕКСАНДРОВА.

В.СМИРНОВЫН фотожо.



Марий кундемшыште ече спорт 1960-шо ийла гыч вияншаш тунгалын. Йоча да самырык-влаклан спорт школ-влакым почыныт. Ече дене спорт школышто СССР сулло спорт мастер Н.П.Селюнина-Рочева (XIII Олимпиаде модмашын ший призёржо), тунямбал классан спорт мастер-влак В.Н.Исаев ден А.А.Ямалеев шуаралтыныт. Пытаргыш кумло ий жапыште Марий Эл 50 угла спорт мастерым куштен.

Лишыл йолташ – акаем

Кӧ тыгай лишыл йолташ? Мыйын шонымаште, эн лишыл йолташ – тиде кӧ неле жапыште тыйын ойгетым да сай жапыште куанетым пайла. Мыйын йолташ удирем – тиде мыйын акам. Ме коктын изи годсек пырля улына: модына, юарлена. Южгунам сыренат колтена. Кызыт коктын ече дене коштына, мӧнгысӧ пашам ыштена. Когыньнанат лишыл йолташна – авана. Авана мыланна эре полша, умылтара, чонлан йӧсӧ годым кумылым савыра.

Диана СЕМЁНОВА.

Марий Турек, Арбор.



**«Ямде лий»,
«Ямде лий»,
Пеленем эреак лий!**

6 февральште Параньга район Элпанур школьшто туньктышо да тунемше-влак, ял калык шукерте вучымо пайремыш погыненыт: у школым торжественно почыныт. Пайремыште Марий Эл Республикым Вуйлатыше А.А.Евстифеев лийын.

Кажне кабинетыште – у парт, арвер, интерактивный доска-влак. Информатике классыште компьютер, планшет-влак улыт, биологий да химий кабинетыште – микроскоп, манекен, реактив-влак. Технологий кабинетыште ургымо машина-влакым верандыме. Спорт да актывый зал-влак, кочмывер, изирак класслаште тунемше-влаклан посна каныме вер – чыла-жымат йоча-влаклан йонештарыме.

Л.ГРИГОРЬЕВА ямдылен.

Элпанурышто – у школ



Кок пачашан у школым 120 йочалан келыштарыме. Кызыт вич ял гыч 116 ўдыр-рвезе тунемеш.

Д.РЕЧКИНЫН фотожо.

Тўвыра увер



Йошкар-Оласе Благовещенский башне тўвыра-ончер рўдер у тургымым почын. Театр идалык-лан пўлеклалтше «Закулисье: Наброски театральной жизни» ончер да «Поликультурная карта Республики Марий Эл» проект дене палымым ышта. Республикысе кажне район да ола-влак ойыртемалтше тўсыштым ончерыште ончыкташ тўналыт. Ты паша Марий Элын 100 ияш лўмгечыжлан пўлеклалтеш.

5-16 февральште Марий Элыште «Блокадные ласточки» акций эрта. Тунемше да студент-влак Кугу Ачамланде сарыште, Ленинград блокадыште лийше ветеран-влаклан серышым (тауштыме шомак, мотор сўрет, почеламут-влак) возат. Апрельште серышан варак-сим-влак Российысе ветеран-влак деке «чонештат».



Увер

ОРВИ да грипплан кўра Марий Элысе 20 школьшто 43 классым карантинеш петырыме.

Рособрнадзор Всероссийский тергыме пашам эртарыме графикым пентгыдемден. 11-ше классыште тунемше-влак 6 предмет дене шинчымашыштым тергат. Икымшыже 5 мартыште йот йылме дене лиеш. Луымшо класс географий дене воза. 4-6-шо класслаште тунемше-влаклан руш йылме, математике да окружающий мир дене келге шинчымашым ончыктыман. Тергыме паша 15 апрельште тўналеш. 2 апрель гыч 7-ше классыште тунемше ўдыр-рвезе-влак 8 предмет дене уш-акылыштым тергат. Тергыме паша шке школыштак эрта.

Телефоным кучылтына

Кызыт кажне гаяк йочан кидыште сото телефоным ужаш лиеш. Ала-кудыжын пеш шергакан, ала-кўжын тыглай. Телефон дене йынгырташ, тўрлў модыш дене модаш лиеш. «Вконтакте» соцкыдыште шинчыме годым кучылтына. Телефонышто шагатымат палаш пеш сай.

Диана АЛЕКСАНДРОВА. Морко, Эгерсола.

Редакций деч: йоча-влак, сото телефон мо дене пайдале? Ала тудо, мўнгешла, энгекым конда. Шонымашдам возен колтыза.

Марий Эл Республикысе «Роза ветров» йоча да самырык-влак рўдер Театр идалык-лан пўлеклалтше Усталык фестиваль-конкурсум увертарен. Почеламутым сылнын лудмаш, кўчык спектакльым модын ончыктымаш танас-влак, краеведений дене викторине лийыт. Тўрыс уверым rv12.ru сайтыште ончыза.

Савино интернат-пўртын воспитанникше да Йошкар-Оласе 26-шо номеран гимназий пеленысе «Дебют» бальный ансамбльыш коштшо йоча-влак «Фейерверк талантов-2019» всероссийский конкурс-фестивальыште Гран-прим сенен налыныт. Ынде нуно Тўнямбал фестивальыште усталыкыштым ончыклат.

Российын Почтыжо поро кумылым ончыктышо «Порылык пушенге» акцияым эртарат. Кажне кумылан ен йочапўртлашке, школ-интернатлашке, шонгыен да ветеран-влак пўртлашке кеч-могай газетлан, журналлан подпискым ыштен кертеш. podpiska.pochta.ru сайтыште онлайн-подпискым ышташ лиеш.

Афганистан Демократический Республикын Правительствовын йодмыж почеш 1979 ий 25 декабрьште икымше совет войска тиде элын кугужаныш чекшым вончен. Марий Эл Республик гычат ўдыр-рвезе-влак, Шочмо элын йодмыжым шуктен, Афган сарыште кредалыныт. Нунын коклаште – Морко район Усола Вончўмбал ялын шочшыжо Н.Г.Ягодаров. Вончўмбал школышто тўн шинчымашым налмеке, рвезе Марий радиомеханический техникумышко тунемаш пурен, радиотехник профессийым налын. 1979 ий 4 июлышто «спецнабор» дене Совет Армиий радамыш шке порышым шукташ каен.

– 1980 ий январь мучаш гыч службем афган войска-влакын полигоныштышт, Гарибгар курык лишне, 51932 войсковой частыин икымше мотострелковый батальонышто шуйнен, – ойла Николай Геннадьевич. – Связь взводын тўн радиомастерже лийынам. Батальонын командиржылан рото-влак да полкын командованийже дене телефон да радиосвязь гоч кылым ыштымаш тўн сомыллан шотлалтын. Комбат пелен радиостанцийым тупеш нумалын кошташ пеш шуко гана логалын. Курыкан да эше палыдыме верыште радиосвязьым кучаш – паша куштылгак огыл.

Н.Г.Ягодаров самырыкше годым кужу да вичкыжрак капкылан лийын. Икана взвод командирын кўштымыжў почеш чылан кўкшў курыкышко неле нумалтыш дене кўзеныт. Котомкаште – кум кечылан ситыше кукшо паёк, яндар вўд, бушлат, запасной аккумулятор, радиостанций, автомат да эше вес тўрлў ўзгар-влак. «Кузе моло деч ондак палемдыме верышке миен шуынам, шкат ўрынам.

Йолташем-влак, «Тыланет мардежшак кўзаш полшен ала-мо» манын, мыскара йўре ойленыт, – шарналта Николай Геннадьевич. – Ик гана, вес гана нелылыкым сенет – тыге илышлан тунемат, талырак лият».

Панджшерский ущелье вок-

15 февральыште Афганистан мланде гыч совет войскам лукмылан – 30 ий.

влакым аклаш, Шочмо элын эн шерге улмыжым умылаш полшен, – ойла Николай Геннадьевич. – Йоча-влак, школышто тыршен



Шочмо эл эн шерге

Фотошто: Н.Г.Ягодаров (шола гыч икымше) – сарзе йолташыже-влак дене пырля.

А тый палет? Афган сарыште 620 тўжем совет салтак лийын. 15 тўжем угла салтак ден офицер вуйжым пыштен. 86 военнослужащий Совет Ушемын Геройжо лўм дене палемдалтын, тышеч 28 енлан колымекше пуымо. 200 тўжем угла салтак орден да медаль дене наградитлалтын.

«киш подышкышт» логалыныт. Шуко йолташым йомдареныт. Тушман кашакым чактарымышт годым связь взводын командирже, лейтенант Вячеслав Шипов нелын сусырген. Тунам Н.Г.Ягодаров тўн радиомастер семын технике дене кылдалтше чыла йодышым шке ўмбакаше налын. Тыге связь взвод командирын полышкалышыже лийын, варарак командирын сомылжым шуктен.

Кызыт Н.Г.Ягодаров Марий радиомеханический техникумышто учебно-технический комплексын начальникшылан тырша.

– Сар нигунам ынже лий. Но тудо илышым, воктен улшо ен-

А тый палет?

Марий Эл гыч кум тўжем ен Афган сарыште кредалын. Тышеч 69 енын ўмыржў кўрылтын, 2 салтак увер деч посна йомын.

тене верланыше кишлакым тергаш кайымекышт, душман-влакын

тунемза. Паша деч ида лўд. Спорт дене пентгыде кылым кучыза. Уда ден сайым ойыраш тунемза. Коча-кована-влакын Кугу Отечественный сарыште тушман ваштареш илаш-колаш шогымыштым да Шочмо элнан тыныслыкшым арален кодымыштым шарныза. «Бессмертный полкышко» ушнен, поро пашадам ончыктыза.

Л.ГРИГОРЬЕВА.

Тек эре тыныс лиеш!

Мустай кундем гыч Афган сарыште 8 ен (М.Иштриков, Г.Токтаров, М.Никулин, В.Каменщиков, Е.Медведев, В.Макаров, В.Клепиков, Г.Паймаков) лийын. Чыланат мўнгў таза пўртылыныт. Мустай школ пеленысе краеведений тоштерыште Афган сарын участникше-влаклан пўлеклалтше стенд уло. Тек калыкна тиде шуко сар нерген нигунам огеш мондо! Тек тўнямбалне эре тыныс лиеш!

Екатерина ИБРАЕВА.
Шернур район.



ТУКЫМ УЛЫНА

Валерий Владимирович НИКОЛАЕВ Ленинград олаште шочын. Ростовысо кўшыл военный училищым тунем пытарен, вара коло ий угла Украиныште, Забайкальште да Марий Элыште служитлен. Икымше почеламутшо, «Новогодняя ночь», 1994 ийыште Советский районысо «Вестник района» газетыште лектын. Пытартыш жапыште йоча-влакланат воза. «Забавные приключения Пончика и Киви» повестьшым икшыве-влак куанен лудыт.

Кодшо курымышто шочшо-влак могай книгаг луды- нит? Кугыен-влак могай книгаг лудаш темлат? Таче руш серызе, почеламутчо дене лишкырак палыме лийына да нине йодыш-влаклан вашмутым муына.

- Валерий Владимирович, те 20 ий угла служитленда. Сылнымут корныш кузе шогалында?

- Йоча годым кӧ гына лияш огына шоно. Мый военный пашам ойыренам, училищым тунем пытаренам, служитленам. Чонемже ондакак литератур деке шупшын. Но эл ончылно порысым шукташ кўлын. Сулен налме канышыш кайымеке возаш тўнгальнам.

- Тендам кок уныкада куандара. Нуно сылнымут геройда-влак улыт, очыни.

- Уныкам-влакын койыш-шоктышыштым эскерем, ойлымо шомакыштым шарнаш тыршем але возен кодем. Родо-тукымын



Погонан серызе

икшывыштым геройыш савыренам. Мутлан, «Забавные приключения Пончика и Киви» повестьысе герой – Анжела – шонен лукмо огыл. Тудо чулым, лўддымӧ. Изи Пончикым рвезе-влак деч утара да тудым эмла.

- Те изида годым могай книгаг лудаш йӧратенда?

- Лудаш нигунам ӧрканен омыл. Чўчкыдын библиотекеыш коштынам. Поснак Аркадий Гайдарын «Судьба барабанщика», «Военная тайна», «На графских развалинах» произведений-влак келшенит. Кугурак лиймеке, Анатолий Рыбаковын «Бронзовая птица» книгажым куанен лудынам. Книга – онгай арвер. Тудым лудын, тўрлӧ курымыш миен толын да серызе дене кутырен кертына.

Х.АЛЕКСАНДРОВА.

Фотошто: В.В.НИКОЛАЕВ Йоча да самырык-влаклан В.Х.Колумб лўмеш книгагудышто вашлиймаш годым. (2019 ий)

14 февраль –
Книгам пӧлеклыме тўням-
бал кече.

Книгагудышто

Школ деч тораште огыл, клуб пелен, книгагудо верланен. 22 январыште Аркадий Гайдарын 100 ияш лўмгечыжым палемдышна. Ме писательын биографийже дене палыме лийна, книгажым тўшкан лудна. Книгагудышто яра жапнам эртараш чыла йӧн уло. Библиотеке пашаен-влак Алевтина Гурьевна ден Лидия Владимировна-лан ме таумутым ойлена.

Карина ден Дина ДМИТРИЕВАМЫТ. Морко, Купсола.



Мый уремыште кошташ, лумьенгым пўтыраш йӧратем. Урокым ыштымеке, курыкыш мунчалташ каем. Каныш кечын изам дене коктын ече дене коштына. Мый телым моткоч йӧратем.

Яна ЗАЙЦЕВА.

Мый телымсе пўртўсым, игечым пеш чот йӧратем. Сандене ковам деке кажне арнян кошташ тыршем. Ачам дене коктын лумым эрыктена. Йўштӧ гыч пурымеке, ковам шокшо чайым йўкта.

Антон МАСЛЕННИКОВ.

Марий Турек, Сысоево.

Икымше муро

Эртыше шочмын ме, школысо волонтер-влак, Екатерина Николаевна Басова деке тарванышна. Кудывечыж гыч лумым шупшна. Куанен, «таум» ыштен, ковай кампетке дене сийлыш.

А паледа могай сылне, яндар йўк дене муралта 92 ияш кова! Кызытат шарна школыш кайыме икымше мурыжым, шуко ойпогым пала. Теве иктыже:

Пакчаштат, садыштат –
чыла вере паша.

Коштмо-лекме денат
мемнан паша талышна.

Ўдена, шўрена,
шындена, погена...

Паша еным пукша,
тидым ме палена.

Юлия ИВАНОВА.

Кужэгер, Шорсола.





Фотом
школын
архивше гыч налме

Школыштына «Шочмо вер мучко путешествийыш» квест-модыш эртен (**снимкыште**). Йоча-влак, 6 станцийыште түрлө заданийым шуктен, сүретан лаштык-влакым погеныт. Мучашыште сүретым иктыш ушеныт. Модыш йоча-влакын марий йылмылан кумылан улмыштым пентгыдемден.

«Мунло»

Мемнан школышто ынде кокымшо ий «Мунло» интеллектуал марафон моткоч онайын эртен. 5-8-ше классла гыч тунемше-влак 3 командылан пайлалтыныт. Марафон 5 ужаш гыч шоген: «Шочмо калыкнан лүмлө енышт», «Икымше... икымше», «Марий йылме», «Марий литература», «Марий йўла». Сенгышыш Валерия Глушкова «Ямде лий» командыже лектын. Мыланем тиде конкурс келшен. Шуко ум пален налынам да шке шинчымашем тергенам.

Алина ЧЕРНЯЕВА.

У Торъял, Токтарсола.

С.В. БЕЛОВА,
марий йылмын
туныктышо.
Медведево, Руш
Кукмарий.



*Тунемде,
илышым
палаш
огеш
лий.*

Мария
ИЛИБАЕВА.

*Капкылемым
ырыкта шонымаш.*

Семен
ЧИКОЛАЕВ.

Кö тугай журналист?

Журналист... Кö тудо? Журналист лияш куштылго мо? Мом тудо ыштен моштышаш?

Журналист-влак түрлө лийыт: радиожурналист, тележурналист да газет журналист. Нуно чыланат марий йылмын сайын палышаш, моторын кутырен, йонылышым колтыде серен моштышаш улыт. Журналист күлешан уверым жапыштыже муын, калык деке намиен шуктышаш. Мыланем газетым лудаш, радиом колышташ, телевизорым ончаш келша. Шоналташ гын, ме кажне кечын интервьюм налына, вет кö дене гына огына кутыро. Журналистлан кугу йөн пуалтеш – түрлө верлаште лияш, калык дене кутыраш, нунын шонымашыштым пален налаш. Тыгодым серызе шке возымыжлан мутым кучышаш. Чыла факт чын лийшаш. Тудын материалжым калык я лудеш, я колыштеш. Журналист лияш куштылго огыл – мастарлык да кугу туткыш кўлыт.



Олеся ВОЙКИНА.

Шернур, Эшполдино.



2019 ийлан
«Ямде лий» газет
редакций ден
«Ший памаш»
сылнымут фонд
йоча-влаклан
«РВЕЗЕ ЙЎК»

конкурсым увертатар

Конкурсын түн шонымашыже:

- шочмо йылме, сылнымут полшымо дене самырык авторын чон ар улыкшышым аралаш;
- шинчымашыжым кумдандаш;
- возымо усталыкшышым вияндаш йöным ышташ;
- ончыкылык сылнымутчо, журналист-влакым кушташ.

Тыгай премий-влак пуалтыт:

⌚ «Ямде лий» газетын икымше редакторжо Зинаида Яковлева лүмеш – журналистикыште чолган возен шогышо юнкорлан;

⌚ 1930-шо ийласе самырык поэт Антонов Ивук лүмеш – почеламутым эн сайын возышо авторлан;

⌚ 1970-1980-ше ийласе юнкор-влакын эн кугу йолташышт да сылнымут туныктышышт Валентин Исенеков лүмеш – школласе юнкор, литературно-творческий да сылнымут кружоклан;

⌚ «Ямде лийын» 1969-1986-шо ийласе түн редакторжо Алеко Юзыккайн лүмеш – Марий Эл деч öрдыжтö марий-влакын түшкан илыме кундемласе (Одо, Пошкырт, Татарстан, Виче (Киров), Свердловск, Угарман, Пермь) ойыртемалтше юнкор, литературно-творческий да сылнымут кружоклан але авторлан (йочалан);

⌚ «Ямде лийын» 1991-1997-ше ийласе түн редакторжо Василий Васильевич Крыловым шарнен, Шулдыр Васлий лүмеш премий – эн онай мыскарам возышо юнкорлан.

Ик юнкор түрлө номинацийыште мастарлыкшым терген кертеш.

Конкурс 2019 ий декабрьыште иктешлалтеш.

Конкурсим иктешлат: түн редактор-влак Л.В. СЕМЕНОВА («Ямде лий»), Э.А. ИМАНАЕВ («Кугарня»), И.Г. ПОПОВ («Ончыко» журнал), «Ямде лийын» пашаенже Л.Н. ГРИГОРЬЕВА.

Адрес: Йошкар-Ола,
Набережный Амстердам, 1-ше
номеран пöрт.

Конкурсин
учредительже – «Ший памаш» сыл-
нымут фонд (вуйлатыше – писатель
Василий Краснов).



Курсановмыт еш
Йүдвел мландыште ила.
Алёна Ивановна Морко
районысо Муканай ялеш,
Игорь Григорьевич
Советский районысо
Кужмара ялеш шочын-
кушкыныт. Сургутысо
Марий ушемын енге
улыт. Алёна Ивановна
«Юмарий» мурышо-кушты-
шо коллективыш коштеш. Марий тиште кечылан
пöлеклалтше «Марла чын возена» тўшка диктан-
тым возымаште икымше верым сенген налын.

Ача-ава-влакын чолгалыкыштым ончен,
Атыгаяк йоча-влак кушкыт. Курсановмыт
кум икшывым ончен куштат: Настя – 8 ияш,
кокымшо классыш коштеш; Ульяна – 3 ияш,

Йүдвел мландыште – марий еш

кажне эрдене йочасадыш вашка; эн изиже –
Макар, ик ияш. Кугуракше-влак марла умы-
лат, кутыраш тыршат. Настя музыкальный
школышто фортепьяно дене шокташ тунемеш,
Марий ушем пеленысе марий йоча ансам-
бльыште кушта. Марий почеламут-влакым
лудаш кумылан. «От чистого истока-2018»
национальный йоча фестиваль-конкурсышто
марий почеламутым йонгалтарымыж дене 2-
шо верым налын. Ача-ава икшывыштым
марий сем дек шўмандат. А изи Макарым
Иоган Штраусын, Петр Чайковскийн,
Людвиг Ван Бетховенын классике семышт
почеш малаш пыштат.

– Яра жап лийме годым шыжым чодыраш
емыжым, понгым погаш коштына.



Фотом еш архив гыч налме.



Койышан теле

Тений теле моткоч койышан. То виан пора-
ным конда, то чатката йўштö шога, то кече
онча. Лум шуко. Йўштö годым лум йылгыжеш.
Пушенгылаште öрш-влак йошкар олма гай
койын шинчат. Коклан сар кисат коеш.
Чодыраште ош мераң-влак
кудалыштыт. Нуным чоя
рывыж покта. Телым пеш сай!

Костя ГУБАЕВ, 5-ше класс.

Курык вуйышто

Икана телевизор дене ечызе-влакын курык
гыч мунчалтымыштым куанен ончышым.
Мыйынат нунын семын пикшла волымем шуын
колтыш. Йолташем-влак дене пырля,
ечым чиен, ял воктенысе курыкыш тар-
ванышна. Спортсмен-влак семын мунчалташ
тўнална. Варажым икте-весе коклаште тагасымашым
ыштышна: кө курык гыч эн писын вола – тудо сеныше.
Рўмбалгымешке, курык вуйышто йўкланышна. Вес кечынат
мунчалташ каяш мутланен келшышна.

Вячеслав ЯНИБЕКОВ, 3-шо класс.

Пошкырт, Караидель, Ыткустö.



Йоча-влаклан паркыште ур-влакым пукшаш
келша. Телым курык гыч ватрушко дене мун-
чалтена, коньки дене ий ўмбак шогалына.
Кенжежым ролик дене коштына, – оила ача.

Изинек марла кутырышо, марий мурым муры-
шо, марла куштышо, марий йўлам жаплыше ең-
влак коклаште кушшо ача-ава моло калык-влак
коклаште илат гынат, марий кумылыштым йом-
дарен огытыл.

Х.АЛЕКСАНДРОВА.

Сай йолташ

Сергей йолташем Бирск олаште ила.
Каникул годым тудо мемнан деке унала толеш
да каныме кечылаште ме пырля илена да
модына. Кызыт Сергей кудымшо классыште
шинчымашым налеш. «Визытанлан»
гына тунемеш, начар тунемше-
влаклан полша. Классыштыже
мыйын йолташемем чылан пага-
лат да аклат. Кажне енгынат йол-
ташыже лийшаш, вет тыге илаш
куштылго да весела.

Иван ПЕТРОВ.

Шўжарем

Шўжарем ден коктын
Йолташ семын улына.
Эрден-эрак кынылына
Да «пашашке» каена.
Школышто шинчен лекмек,
Йочасадыш мый вашкем.
Да тушечын, кид кучен,
Мöнгыш эркын толына.
Кастен модына пырля,
Книгамат ме лудына.
Сўретлашат туныктем,
Шўжаремем йöратем.

Юлианна ЧАПЛЫГИНА.

**Пошкырт, Мишкан, Яныш
Ялкайн лўмеш Чорай
марий гимназий.**

Кызыт кевытыште могай гына модыш але ўзгар уке?! Туге гынат шке кид дене ыштыме поснак шерге. Тудым пӧлемым сӧрастарашат, пӧлек шотеш кучык-ташат лиш. Теве Руэм школысо 4-ше «А» классыште тунемше-влак пеш онгай модыш-влакым ыштенят.



Арина СОКОЛОВА:
«Пушкыдо модышым – тумнам – фетр гыч ыштенам. Кӧргышкӧ синтепоным шӱшынаем. Тиде модыш тӱкӧ да нарынче».

Мастар кидан йоча-влаклан йокрокланаш жап уке. А те, йоча-влак, могай модышым шке кид дене ыштеда?

Л.ИВАНОВА, туныктышо. Медведево, Руэм.



Динара ХИСМАТУЛ-ЛИНА: «Мый тиде сӧснам картон да кына куэм гыч ыштенам. Йошкар нерым да йошкар пылышым клей дене пижыктенам. Шӱйышкӧ йошкар бантым, чурыйышке шинчам пижыктенам. Тыгаяк тӱсан тасма гыч кылым ыштенам».



Нагаша ДОГА-ЧЁВА: «Мый шӱмым ыштенам. Тудым картон гыч пӱчкын лукмо, ўмбачше йошкар куэмым шупшмо. Куэмыште – ош колявурса (горошины). Шӱм тӱр мучко ош кружевам ургымо».

Телым пеш вученам. Курык гыч ече дене волаш пеш йӧра-тем. Кажне кечын урок деч вара ме ече дене коштына гын, тазалыкнам пенгыдемдена, спортлан шӱмангына да шочмо

школнан чапшым тӱрлӧ танасымашлаште аралаш тӱналына.

Вика КРАСНОВА.

Морко, Эгерсола. Авторын сӱретше.



9 февраль – Пӱй эмлызын тӱнямбал кечыже.



Сӱретым чиялте.

Синквейн

Максим Ушан, шотан. Тунемеш, модеш, лудеш. Мыйын шольым. Тунемше. **Ольга СТЕПАНОВА.** Морко, Шап Унчо.

Шоляш

Мыйын шочын изи шольым. Лӱмжӧ – Ольош. Мый эрден эрак кыналам да вигак тудын дек лишемам. Изи чукайым ниялтем, шупшалам, «Кузе маленат?» – манын йодам.

Сева НИКИТИН.

Кужӧгер, Шӱдымарий.

Индекс: Марий Элыште, Пошкырт ден Татарстан кундемлаште - П4696. Тираж 1150 экз. Заказ 198. Формат – А-4-8. Директор-тӱн редактор Л.В.СЕМЕНОВА.

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казна предприятий.

Газетым Массовый коммуникаций сферыште да культур наследиым аралымаште законодательством шуктен шогымым эскерыше Федеральный службывн Приволжский федеральный округысо управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.

0+

Печатыш пуымо жап – 14-00, фактически – 13-00

Авторын да редакцийын шонмашышт тӱрлӧ лийын кертыт. Серыш-влак мӧнгеш огыт колталт. Ак – кутырен келшыме почеш.

E-mail: yamde_lii@mari-el.ru, yamde_lii@mail.ru
Сайтын адресше: yamde-lii.pro, Тел. 8(8362) 45-22-82(факс)

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын Строитель урем, 95. адресше: 424006, Йошкар-Ола,

Редакцийын да издательын адресше: 424006, Йошкар-Ола, СССР Вооружӧнный Вийын 70-ше идалыкыше урем, 20 (почтовый) Эгерӱмбал Амстердам, 1 (фактический).



Конга эн ден йўла – йўштылан.

Тений ир көгөрчен (тургеде) кайыкын ийже. Рушла горлица лиш. Тиде кайык мемнан денат ила. Телылан шокшо элыш чонешта.

Степан СЕРГЕЕВ, 7 ий.
Звенигово, Нуктуж.

Тушто

Киддыме-йолдымо тувырым чия да арня еда вашталта.



Кастене олык, эрдене курык.

Телым конгамбалне, кенгежым пёрт-йымалне.

Физкультминутко

Самолёт лийына

Кок киднам шаралтена, Самолёт вик лийына. – Икыт, кокыт, – шотлена. Чонешташ лектеш вийна. Кок векла ончалына, Киднам ўлык волтена. – Кумыт, нылыт, – манына. Верышкына шинчына.

Н.Д.ИЛЫНА.
Волжский, Карай.




Самолётым могай фигургыч ыштыме?

Задаче

Кевытче марте 307 кечывал сатум ужален, а кечывал деч вара оксаже 2 пачаш шукрыак погынен. Кевытче кечывал деч вара мыняр тенгем ыштен налын? Кечы мучкылан мыняр тенге погынен?



Тумнаиге-влакым сүрет-лен пытарыз.



Катя

Мыйын уло йолташем. Тудын лүмжө – Катя. Катя чаплын пеш кушта, Да куржеш эн писын. Тудым мые пагалем. Пырля партыште шинчем.

Света АНДРИАНОВА.

Морко, Изи Корамас.




Мут-влакым марлашке кусаре. Могай мут лектеш?



- 1. Горшок.
- 2. Стол. 3. Голова.
- 4. Петух. 5. Репа.

Иван РЕПИН.
Советский, Орша.



10 ойыртемым му.

